



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

Broj:01- \_\_\_\_\_ /14  
Datum: \_\_\_\_\_ 2014. godine

**- PRIJEDLOG -**

Na osnovu člana 14. Statuta Općine Tešanj ("Službeni glasnik Općine Tešanj", broj: 11/07) Općinsko vijeće Tešanj na svojoj \_\_\_ sjednici, održanoj dana \_\_\_\_\_ 2013. godine, d o n o s i

**ODLUKA  
o naknadama vijećnicima i članovima komisija  
koje imenuje Općinsko vijeće**

**Član 1.**

Ovom odlukom se uređuju naknade vijećnicima za obavljanje vijećničke funkcije u Općinskom vijeću Tešanj (u daljem tekstu: Vijeće) i komisija koje Vijeće imenuje.

**Član 2.**

Vijećniku u Vijeću pripada mjesečna naknada - vijećnički paušal za obavljanje poslova vijećničke funkcije u iznosu od **230,00 KM**.

Naknada iz prethodnog stava pripada vijećniku koji redovno vrši funkciju ili u slučaju spriječenosti to blagovremeno pravda.

Vijećniku u Vijeću pripada naknada – dnevnicu u iznosu od **60,00 KM** za svaku redovnu i vanrednu sjednicu Vijeća.

**Član 3.**

Predsjedavajućem Vijeća pripada mjesečna naknada u visini 75% prosječne neto plaće ostvarene u Organu uprave Općine u mjesecu za koji se vrši isplata naknade.

Zamjeniku predsjedavajućeg Vijeća pripada 40% prosječne neto plaće ostvarene u Organu uprave Općine u mjesecu za koji se vrši isplata naknade.

**Član 4.**

Članovima komisija koje imenuje Vijeće pripada naknada u visini od **30,00 KM** po održanoj sjednici komisije, a sa najvišim mjesečnim iznosom od **50,00 KM**.

**Član 5.**

Stupanjem na snagu ove Odluke prestaje da važi Odluke o naknadama vijećnicima i članovima komisija koje imenuje Općinsko vijeće broj: 2/09, 8/09, 10/12 i 12/12.

**Član 6.**

Ova odluka stupa na snagu danom usvajanja, a primjenjivat će se od 01.04.2014. godine i objavit će se u "Službenom glasniku Općine Tešanj".

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Fuad Šišić, dipl.ing.maš.**

## OBRAZLOŽENJE:

### PRAVNI OSNOV:

Pravni osnov za donošenje ove Odluke sadržan je u članu 14. Statuta Općine Tešanj ("Službeni glasnik Općine Tešanj", broj: 11/07).

### RAZLOZI ZA DONOŠENJE ODLUKE:

Dosadašnji član 2. i član 3. su glasili:

#### Član 2.

Vijećniku u Vijeću, izuzev predsjedavajućeg Vijeća i zamjenika predsjedavajućeg Vijeća, pripada mjesečna naknada - vijećnički paušal za obavljanje poslova vijećničke funkcije u iznosu od 230,00 KM.

Naknada iz prethodnog stava pripada vijećniku koji redovno vrši funkciju ili u slučaju spriječenosti to blagovremeno pravda.

Vijećniku u Vijeću i predsjedavajućem Vijeća pripada naknada – dnevnicu u iznosu od 60,00 KM za svaku redovnu i vanrednu sjednicu Vijeća.

#### Član 3.

Predsjedavajućem Vijeća pripada mjesečna naknada u visini prosječne neto plaće ostvarene u Organu uprave Općine u mjesecu za koji se vrši isplata naknade, uvećano za vijećnički paušal iz člana 2. ove Odluke.

Zamjeniku predsjedavajućeg Vijeća pripada 50% naknade koja je definisana za predsjedavajućeg Vijeća iz stava 1. ovog člana.

Dosadašnji tekst odluke je nepotrebno i bez osnove objedinjavao naknadu predviđenu za vijećnike i naknadu prediđenu za predsjedavajućeg u jedinstvenu naknadu za predsjedavajućeg. Naime, ko god da je predsjedavajući Vijeća, on ne gubi status, prava i obaveze kao vijećnik. Predsjedavajući je funkcioner Vijeća, i ta pozicija ima svoje obaveze i prava potpuno odvojeno, i tako istu treba i posmatrati.

Isti je slučaj i sa zamjenikom predsjedavajućeg OV.

Ovim se, dakle, stvari postavljaju na svoje mjesto kako to i treba biti, te se umanjuje naknada predsjedavajućem OV koja je ona stvarno bilo, sa jedne prosječne plaće na 75% prosječne neto plaće ostvarene u Organu uprave Općine Tešanj.

Ilustracija iznosa:

dosadašnja naknada cca 810 KM (+ 230 KM + 60 KM kao vijećnik)=1.100 KM, kako je u informaciji, smanjuje na cca 607,5 KM a ostaje naknada kao vijećniku 230 KM + 60 KM koja će se mijenjati kada i svim vijećnicima.



PREDLAGAČ

PREDSDJEDAVAJUĆI VIJEĆA

Fuad Šišić, dipl.ing.maš.

Broj: \_\_\_\_\_

Datum: 31.03.2014. godine